



列傳第十七

金史七十一

開府儀同三司上柱國鎮國軍事節度使相繼修國史領經筵事鄧懿整統院奉

勅修

鄧瓊

李成

孔彥舟

徐文

施宜生

張中孚

張中彥

宇文虛中

王倫

鄧瓊字國寶相州臨漳人補州學生宋宣和間盜賊起瓊乃更學擊刺挽強試弓馬隸宗澤軍駐于磁州未幾告歸招集義軍七百人復從澤澤署瓊為七百人長澤死調戍滑州時宗望伐宋將渡河戍軍亂殺其統制趙世彥而推

瓊為主瓊因誘眾號為勤王行且收兵比渡淮有眾萬餘  
康王以為楚州安撫使淮南東路兵馬鈐鑄累遷武泰軍  
承宣使未幾率所領步騎十餘萬附于齊授靜難軍節度  
使知拱州齊國廢以為博州防禦使用康遷驃騎上將軍  
宗弼復河南以瓊為山東路弩手千戶知亳州事丁母憂  
去官宗弼再伐江南以瓊素知南方山川險易召至軍與  
計事從容語同列曰瓊嘗從大軍南伐每見元帥國王親  
臨陣督戰矢石交集而王免胄指麾三軍意氣自若用兵  
制勝皆與孫吳合可謂命世雄材矣至於親冒鋒鏑進不  
避難將士視之孰敢愛死乎宜其所向無前日闢國千里

也江南諸帥才能不及中人每當出兵必身居數百里外  
謂之持重或督召軍旅易置將校僅以一介之士持虛文  
諭之謂之調發制敵決勝委之偏裨是以智者解體愚者  
喪師幸一小捷則露布飛馳增加停級以為己功歛怨將  
上縱或親臨亦必先遁而又國政不綱纔有微功已加厚  
賞或有大罪乃置而不誅不即覆亡已為天幸何能振起  
耶眾以為確論元帥謂宗弼也及宗弼問瓊以江南成敗  
誰敢相拒者瓊曰江南軍勢怯弱皆敗亡之餘又無良帥  
何以禦我頗聞秦檜當國用事檜老儒所謂亡國之大夫  
兢兢自守惟顛覆是懼吾以大軍臨之彼之君臣方且心

破膽裂將哀鳴不暇蓋傷弓之鳥可以虛弦下也既而江  
南果稱臣宗弼喜瓊爲知言初瓊去亳未幾宋兵陷之而  
不守復棄去乃以州人宋超守之及大軍至超復以州事  
委其鈐鑄衛經而遁去帥府使人招經經不下及城潰百  
姓惶懼待命瓊請於元帥曰城所不下者凶豎劫之也民  
何罪願慰安之元帥以瓊先嘗守亳因止戮經而釋其州  
人復命瓊守亳凡六年亳人德之遷武寧軍節度使八年  
爲泰寧軍節度使九年遷歸德尹貞元元年加金紫光祿  
大夫卒于官年五十

李成字伯友雄州歸信人勇力絕倫能挽弓三百斤宋宣  
和初試弓手挽強異等累官淮南招討使成乃聚衆爲盜  
鈔掠江南宋遣兵破之成遂歸齊累除知開德府從大軍  
伐宋齊廢再除安武軍節度使成在降附諸將中最勇鷙  
號令甚嚴衆莫敢犯臨陣身先諸將士卒未食不先食有  
病者親視之不持兩具雖沾濕自如也有告成反者宗弼  
察其誣使成自治成杖而釋之其不校如此以此士樂爲  
用所至克捷宗弼再取河南宋李興據河南府成引軍入  
孟津興率衆薄城鼓譟請戰成不應日下吳興士卒倦且  
飢成開門急擊大破之興走漢南成遂取洛陽嵩汝等河  
南平宗弼奏成爲河南尹都管押本路兵馬嘗取官羨粟

充公費坐奪兩官解職正隆間起為真定尹封郡王例封  
濟國公卒年六十九

孔彥舟字巨濟相州林慮人亡賴不事生產避罪之汴占  
籍軍中坐事繫獄說守者解其縛乘夜踰城遁去已而殺  
人亡命為盜宋靖康初應募累官京東西路兵馬鈐轄聞  
大軍將至山東遂率所部劫殺居民燒廬舍掠財物渡河  
南去宋人復招之以為沿江招捉使彥舟暴橫不奉約束  
宋人將以兵執之彥舟走之齊從劉麟伐宋為行軍都統  
改行營左總管齊國廢累知淄州從宗弼取河南克鄭州  
擒其守劉政破孟邦傑登封授鄭州防禦使討平太行

車轅嶺賊從征江南渡淮被擒軍兵萬餘人下安豐霍丘  
及攻濠州以彥舟為先

遂克濠州師還累官工兵部尚書

隆例隆金紫光祿大夫改南京留守彥舟死子色有禽獸  
行妾生女姿麗彥舟

其官屬負官錢私其妻與所次於汴州時諸軍凡係獲  
皆殺之彥舟號令毋輒殺免者數千人頗以此稱之然

自幼至老常在行伍習兵事知制誥海陵欲以為征南將  
佐正隆五年除南京留守彥舟有疾朝臣有傳彥舟死者  
而彥舟尚無恙海陵盡焚其符券以激勵之無何

竟死於汴年五十五遺表言伐宋當先取淮南云

徐文字彥武萊州掖縣人徙膠水少時販鹽為業往來瀕

海數州剛勇尚氣儕輩皆憚之宋季盜起募戰士為密州

板橋左十將勇力過人揮巨刀重五十斤所向無前人呼

為徐大刀後隸王龍圖麾下與夏人戰生擒一將補進武

校尉東還破群賊楊進等傳及信郎宋康王渡江召文為

樞密院准備將擒苗傅苗傅以力遷官宋浙西沿海

水軍都統制諸將忌其材勇是時李成孔方舟皆歸齊宋

人亦疑文有北歸志大將閻阜與文有隙因而密告宋使

統制朱師敏來襲文文乃率戰艦數十艘泛海歸于齊

以文為海密二州滄海都招捉使兼水軍統制遷海道副

都統兼海道總管賜金帶文以策干劉豫欲自海道襲臨

安豫不能用齊國廢元帥府承制以文為南京步軍都虞

候權馬步軍都指揮使天眷元年破太行賊梁小哥以本

職兼水軍統制朝廷以河南與宋除文山東路兵馬鈐鑄

宗弼復取河南文破宋將李寶於濮陽孟邦傑於登封宋

蔣知軍據河陽文遲明至其城下使別將攻城東北自將

精銳潛師襲南門城中悉衆救東北文乃自南門斬關入

城宋軍潰去追擊敗之破郭清郭遠於汝州鄭州叛復取

之擊走宋將戚方河南既平宗弼勞賞將士賞文銀幣鞍

馬充行軍萬戶從宗弼取蘆濠等州超換武義將軍知濟州在職七年移知泰安軍海陵即位錄舊功累遷中都兵馬都指揮使賜金帶改濬州防禦使未幾海陵謀伐宋改行都水監監造戰船於通州東海縣人徐元張旺作亂縣人房真等三人走海州及走總管府上變州府皆遣使効隨真等詣東海觀賊形勢皆為賊所害州府合兵攻之累月不下海陵且欲伐宋惡聞其事詔文與步軍指揮使張弘信同知大興尹李惟忠宿直將軍蕭阿宏率舟師九百浮海討之謂文等曰朕意不在一邑將以試舟師耳文等至東海與賊戰敗之斬首五千餘級獲徐元張旺餘衆請降是役也張弘信行至萊州稱疾留止日與妓樂飲酒海陵聞之師還杖弘信二百文遷定海軍節度使房真三人官皆有差死賊者皆贈官三級以銀百兩絹百匹賜其家大定二年詣闕自陳年老日昏懇求致仕許之以覃恩遷龍虎將軍卒于家

施宜生字明望邵武人也博聞強記未冠由鄉貢入太學宋政和四年擢上舍第試舉官授穎州教授及王師入汴宜生走江南復以罪北走齊上書陳取宋之策齊以為大總管府議事官失意於劉麟左遷彰信軍節度判官齊國

本部郎中尋改禮部出為隰州刺史天德二年用參知政  
事張浩薦宜生可備顧問海陵召為翰林直學士撰太師  
梁王宗弼墓銘進官兩階正隆元年出知深州召為尚書  
禮部侍郎遷翰林侍講學士四年冬為宋國王且使宜生  
自以得罪北走耶見宋人力辭不許宋命張素館之都亭  
因問以首丘風之宜生顧其介不在旁為度語曰今日此  
風甚勁又取几間筆扣之曰筆來筆來於是宋始警其副  
使耶律闌離刺使還以聞坐是烹死初宜生困于場屋遇  
僧善風監謂之曰子面有權骨可公可卿而視子身之毛  
皆逆上且覆腕必有以合乎此而後可貴也宜生聞其言  
大喜竟從范汝為於建劔已而汝為敗變服為傭秦之吳  
翁家三年翁異之一日屏人詰其姓名宜生曰我服傭事  
惟謹主人乃亦實疑邪翁固詰之則請其故翁曰日者燕  
客執事咸餒而汝獨孫諸儕且撤器有歎聲是以識汝非  
真傭也宜生遂告之故翁贖之金夜濟淮以歸試一日獲  
熊三十六賦擢第一其後竟如僧言

張中孚字信甫其先自安定徙居張義堡父達仕宋至太  
師封慶國公中孚以父任補承節郎宗翰圍太原其父戰  
破中孚泣涕請迹父尸乃獨率部曲十餘人入大軍中竟  
得其尸以還累官知鎮戎軍兼安撫使屢從吳玠張浚以



兵拒大軍浚走巴蜀中孚權帥事天會九年睿宗以左副  
元帥次涇州中孚率其將吏來降睿宗以爲鎮洮軍節度  
使知渭州兼涇原路經略安撫使齊國建以什一法括民  
田籍丁壯爲鄉軍中孚以爲涇原地瘠無良田且保甲之  
法行之已習今遽紛更人必逃徙祇見其害未見其利也  
竟執不行時齊政甚急莫敢違人爲中孚懼而中孚不之  
顧未幾齊國廢一路獨免措克之患天眷初爲陝西諸路  
節制使知京兆府朝廷賜地江南中孚遂入宋宗弼拜定  
河南陝西移文宋人使歸中孚至汴就除行臺兵部尚書  
遷除參知行臺尚書省事明年拜參知政事貞元元年遷

尚書左丞封南陽郡王三年以疾告老乃爲濟南尹加開  
府儀同三司封宿王移南京留守又進封崇王卒年五十  
九加贈鄧王中孚天性孝友剛毅與弟中彥居未嘗有間  
言喜讀書頗能書翰其御士卒嚴而有恩西人尤畏愛之  
葬之日老穉扶柩流涕蓋數萬人至爲罷市其得西人之  
望如此正隆例封崇進原國公

張中彥字才甫中孚弟少以父任仕宋爲涇原副將知德  
順軍事睿宗經略陝西中彥降除招撫使從下熙河階成  
州授彰武軍承宣使爲本路兵馬鈐轄遷都總管宋將關  
師古圍鞏州與秦鳳李彥琦會兵攻之玉師下饒風關得

金洋諸州以中彥領興元尹撫輯新附師還代彥琦爲秦  
鳳經略使秦州當要衝而城不可守中彥徙治北山因險  
爲壘今秦州是也築臘家諸城以扼蜀道帥秦凡十年改  
涇原路經略使知平涼府朝廷以河南陝西賜宋中孚以  
官守隨例當留關中熙河經略使慕洵謀入夏將闕關陝  
中彥與環慶趙彬會兩路兵討之洵敗入于夏中彥與兄  
中孚俱至臨安被留以爲龍神衛四廂都指揮使清遠軍  
承宣使提舉佑神觀靖海軍節度使皇統初恢復河南詔  
徵中彥兄弟北歸爲靜難軍節度使歷彰化軍鳳翔尹改  
尹慶陽兼慶原路兵馬都總管寧州刺史宗室宗淵毆死

僚佐梁郁郁遠人家貧無能赴告者中彥力爲正其罪竟  
實于法改彰德軍節度使均賦調法姦豪無所蔽匿人服  
其明正隆營汴京新宮中彥採運關中材木青峰山巨木  
最多而高深阻絕唐宋以來不能致中彥使構崖駕數起  
長橋十數里以車運木若行平地開六盤山水洛之路遂  
通汴梁明年作河上浮梁復領其役舟之始製匠者未得  
其法中彥手製小舟纜數寸許不做膠漆而首尾自相鉤  
帶謂之鼓子卯諸匠無不駭服其智巧如此浮梁巨艦畢  
功將發旁郡民曳之就水中彥召役夫數十人治地勢順  
下傾瀉于河取新秫楷密布於地復以大木限其旁凌晨

督衆乘霜滑曳之殊不勞力而致諸水俄遷平陽海陵將  
伐宋驛召赴闕授西蜀道行營副都統制賜細糧使先取  
散關俟後命世宗即位赦書至鳳翔諸將惶惑不能決去  
就中彥曉壁之諸將感悟受詔上召中彥入朝以軍付統  
軍合喜及見上賜以所御通犀帶封宗國公尋爲吏部尚  
書上疏曰古者關市譏而不征今使掌關市者征而不譏  
苛留行旅至披剔囊笥甚於剽掠有傷國體乞禁止從之  
踰年除南京留守時淮楚用兵士民與戍兵雜居訟牒紛  
紜所司皆依違不決中彥得戍兵爲盜者悉論如法帥府  
怒其專決劾奏之朝廷置而不問秩滿轉真定尹兼河北

西路兵馬都總管未幾致仕西歸京兆明年起爲臨洮尹  
兼熙秦路兵馬都總管鞏州劉海構亂既敗籍民之從亂  
者數千人中彥惟論爲首者戮之西羌吹折密城隴道兩  
拜四族恃險不服使侍御史沙醇之就中彥論方略中彥  
曰此羌服叛不常若非中彥自行勢必不可即至積石達  
南寺酋長四人來與之約降事遂定賞而遣之還奏上大  
悅遣張汝玉馳驛勞之賜以毳文金帶用郊恩加儀同三  
司以疾卒官年七十五百姓哀號輟市立像祀之  
贊曰自古健將武夫其不才者遭世變遷賣降恐後此其  
常態君子之所不責也酈瓊徐文是已施宜生反覆壬人

李成盜賊之靡孔彥舟漁色親出自絕人類又何責也張中孚中彥雖有小惠足稱然以宋大臣之子父戰沒於金若金若齊義皆不共戴天之讎金以地與齊則甘心臣齊以地歸宋則忍恥臣宋金取其地則又比肩臣金若趨市然唯利所在於斯時也豈復知所謂綱常也哉吁

宇文虛中字叔通蜀人初仕宋累官資政殿大學士天會四年宋少帝已結盟宗望班師至孟陽宋姚平仲乘夜來襲明日復進兵圍汴少帝使虛中詣宗望軍告以襲兵皆將帥自爲之復請和議如初且視康王安否頃之臺諫以和議歸罪虛中罷爲青州復下遷祠職建炎元年貶韶州

二年康王求可爲奉使者虛中自貶中應詔復資政殿大學士爲祈請使是時興兵伐宋已留王倫朱弁不遣虛中亦被留實天會六年也朝廷方議禮制度頗愛虛中有才藝加以官爵虛中即受之與韓昉輩俱掌詞命明年洪皓至上京見虛中甚鄙之天會十三年熙宗即位宗翰爲大保領三省事封晉國王乞致仕批荅不允其詞虛中作也天眷間累官翰林學士知制誥兼太常卿封河內郡開國公書太祖睿德神功碑進階金紫光祿大夫皇統二年宋人請和其誓表曰自來流移在南之人經官陳說願自歸者更不禁止上國之於弊邑亦乞並用此約於是詔尚書

省移文宋國理索張中孚張中牙鄭億年杜充張孝純字  
文虛中王進家屬發遣李正民畢良史還宋惟孟庚去留  
聽其所欲時虛中子師瑗仕宋至轉運判官携家北來四  
年轉承旨加特進遷禮部尚書承旨如故虛中恃才輕肆  
好譏訕凡見女直人輒以礮鹵目之貴人達官徃徃積不  
能平虛中嘗撰宮殿榜署本皆嘉美之名惡虛中者搆其  
字以爲謗訕朝廷由是媒孽以成其罪矣六年二月唐括  
酬幹家奴杜天佛留告虛中謀反詔有司鞠治無狀乃羅  
織虛中家圖書爲反具虛中曰死自吾分至於圖籍南來  
士大夫家家有之高士談圖書尤多於我家豈亦反耶有  
司承順風旨并殺士談至今寃之士談字季默高瓊之後  
宣和末爲忻州戶曹參軍入朝官至翰林直學士虛中士  
談俱有文集行于世

王倫字正道故宋宰相王旦弟王勉玄孫俠邪無賴年四  
十餘尚與市井惡少羣游汴中天會五年宋人以倫爲假  
刑部侍郎與閤門舍人朱弁充通問使是時方議伐宋凡  
宋使者如倫及宇文虛中魏行可顧縱張邵等皆留之不  
遣居數年倫又困乃唱爲和議求歸元帥府使人謂之曰  
此非江南情實特汝自爲此言耳倫曰使事有指不然何  
爲來哉惟元帥察之天會十年劉豫連歲出師皆無功捷

懶為元帥左監軍經略南邊密主和議乃遣倫歸先此宋已遣使乞和朝廷未之許也倫見康主言和議事康主大喜遷倫官并官其子弟宋方與齊用兵未可和天會十五年康王聞天水郡王已薨以倫假直學士來請其喪使倫請撻懶曰河南之地國既不自有與其封劉豫曷若歸之趙氏是歲劉豫受封已八年不能自立其國尚勤屯戍朝廷厭其無能為也乃廢劉豫撻懶以左副元帥守汴京於是倫適至撻懶太祖從父兄弟於熙宗為祖行太宗長子宗磐以太師領三省事位在宗幹上宗翰薨已久宗幹不能與宗磐獨抗明年天眷元年撻懶與東京留守宗雋

俱入朝熙宗以宗雋為左丞相宗雋太祖子也撻懶宗磐宗雋三人皆跋扈嗜利陰有異圖遂合議以齊地與宋自宗幹以下爭之不能得以侍郎張通古為詔諭江南使遣倫先歸明年宋以倫為端明殿學士簽書樞密院事進金器千兩銀器萬兩復來請天水郡王喪柩及請母章氏兄弟宗族等保信軍節度使藍公佐副之是歲宗磐宗雋撻懶皆以謀反屬吏熙宗誅宗磐宗雋以撻懶屬尊赦其死以為行臺尚書省事左丞相奪其兵權右副元帥宗弼奏曰撻懶宗磐陰與宋人交通遂以河南陝西地與宋人會撻懶復謀反捕而殺之於祁州倫至上京有司詳讀康主

表文不書年闕進奉狀稱禮物不言職貢上使宰相責問  
倫曰汝但知有元帥豈知有上國耶遂留不遣遣其副藍  
公佐歸三年五月宗弼復取河南陝西地遂伐江南已渡  
淮皇統元年宋人請和二年二月宋端明殿學士何鑄容  
州觀察使曹勛進誓表三月遣左副點檢賽里山東西路  
都轉運使劉禔送天水郡王喪柩及宋帝母韋氏還江南  
五月李正民畢良史南歸七月朱弁張邵洪皓南歸四年  
以倫爲平州路轉運使倫已受命復辭遜上曰此反覆之  
人也遂殺之於上京年六十一  
贊曰孔子云行已有恥使於四方不辱君命可謂士矣字

文虛中朝至上京夕受官爵王倫統緒之子市井爲徒此  
豈行已有恥之士可以專使者耶二子之死雖寃其自取  
亦多矣

列傳第十八

金史八十

開禧儀圖言程國錄軍國事  
前中書省丞相監修國史  
碩經筵事都總裁臣脫脫奉

勅修

熙宗二子

濟安

道濟

斜卯阿里

突合速

烏延蒲盧渾

赤盞暉

大臭

本名塔不磐本名蒲速越也

阿里補子方

熙宗諸子悼平皇后生太子濟安賢妃生魏王道濟  
濟安皇統二年二月戊子生於天開殿上年二十四始有



皇子喜甚遣使馳報明德宮太皇太后五日命名大赦天下三月甲寅告天地宗廟丁巳翦髻奏告天地宗廟戊午冊爲皇太子封皇后父太尉胡塔爲王賜人口馬牛五百駝五十羊五千隨朝職官並遷一資皆有賜已未詔天下十二月濟安病劇上與皇后幸佛寺焚香流涕哀禱曲赦五百里內罪囚是夜薨謚英悼太子葬興陵之側上送至烏只黑水而還命工塑其像于儲慶寺上與皇后幸寺安置之海陵毀上京宮室寺亦隨毀

道濟皇統三年命爲中京留守以直學士阿懶爲都提點張玄素爲同提點左右輔導之俄封魏王封其母爲賢妃初居外至是養之宮中未幾熙宗怒殺之

贊曰國初制度未立太宗熙宗皆自諸班勃極烈即帝位諸班勃極烈者漢語云最尊官也熙宗立濟安爲皇太子始正名位定制度焉

斜卯阿里父渾坦穆宗時內附數有戰功阿里年十七從其伯父胡麻谷討詐都獲其弟沙里只高麗築九城於曷懶甸渾坦攻之遇敵於木里門甸力戰久之阿里挺槍馳刺其將於陣中敵遂潰渾坦與石適歡合兵於徒門水阿里首敗敵兵取其二城高麗入寇以我兵屯守要害不得進乃還阿里追及于曷懶水高麗人爭走水上阿里乘之

殺略幾盡遂合兵于石道歡道遇敵兵五萬擊走之又與石道歡遇敵七萬阿里先登奮擊大敗之石道歡曰汝一日之間三破重敵功豈可忘乃厚賜之幹塞烏睹本攻駝吉城阿里鑿墉爲門日已暮不可入以兵守之旦日遂取其城烏睹本以被甲并乘馬賜之從攻下寧江州授猛安又從攻信州賓州皆克之遼人來攻孛董忽沙里城阿里率百餘騎救之遼兵數萬阿里兵少乃令軍士裂衣多爲旗幟出山谷間遼兵望見遯去蘇復州叛衆至十萬旁近及直皆保於木尉胡沙家築壘爲固敵圍之數重守者糧芻俱盡牛馬相食其駝尾人易子而食夜緹二人出告急

於阿里阿里赴之內外合擊之破其衆於關密罕火土勦殺幾盡水爲之不流蒲离古胡什吉水馬韓島凡十餘戰破數十萬衆契丹奚人聚舟千艘將入于海阿里以二十七舟邀之中流矢卧舟中中夜始蘇敵船已入王家島即夜取海路追及之敵走險以拒阿里以騎兵邀擊再中流矢力戰不退竟破之盡獲其舟於是蘇復州婆速路皆平攻顯州下靈山縣取梁魚務敗余睹兵功皆最後與敵睹魯屯高州契丹昭古牙九斤合興中兵數萬攻胡里特寨阿里以八謀克兵救之胡里特先往敗於城下阿里指陣前緋衣者二十餘人曰此必賊首也麾兵奮擊皆殺之

餘衆大潰來州隰州兵圍胡里特城聞阿里來救即解圍  
去聞母討張覺有兵出樓峯口山谷間阿里散篤魯忽盧  
補三猛安擊敗之宗望代聞母討張覺阿里再敗平州兵  
及伐宋阿里別擊宋兵敗之孟陽之役阿里扼橋渡力戰  
明年再伐宋至保州中山累破之進圍真定阿里與婁室  
豁魯乘風縱火焚其樓櫓諸軍畢登克其城師至河上粘  
割胡撒擊走宋人扼河津兵數千遂渡河諸將分出大名  
境阿里破敵四百盡殪遂圍汴汴中夜出兵來焚攻具阿  
里與謀克常孫陽阿禦之其衆大潰還攻趙州降之六年  
伐宋主取陽穀莘縣敗海州兵八萬人海州降破賊船萬  
餘於梁山泊招降滕陽東平泰山羣盜盜攻范縣擊走之  
獲船七百艘宗弼攻下睢陽與烏延蒲盧渾先以二千人  
往招壽春具舟淮水上時康民聚賈船四百與壽春相近  
未列速以騎四百破康民斬馘數千與當海大臭破賊十  
萬於淮南比至江連破宋兵獲舟二百艘宗弼至江寧阿  
里蒲盧渾別降廣德軍先趨杭州去杭十餘里遇宋伏兵  
二千取我前驅甲士三十人阿里使諸軍去馬搏戰伏兵  
敗皆逼死於水宗弼至餘杭而宋主走明州阿里與蒲盧  
渾以精騎四千襲之破東關兵濟曹娥江敗宋兵於高橋  
鎮至明州頗失利宋主已入于海乃退軍餘姚宗弼使當

海濟師遂下明州執宋守臣趙伯諤進至昌國縣宋主自昌國走温州由海路追三百餘里弗及遂隲明州與宗弼俱北歸睿宗經略陝西駐涇州阿里先取渭州睿宗趨熙河阿里斜喝韓常三猛安為前軍十二年與高彪監護水運宋以舟師阻亳州河路擊敗之追殺六十餘里獲其將蕭通破連水水寨賊盡得其大船遂取連水軍招徠安輯之天眷間盜據石州阿里討之粘割胡撒與所部先登遂克其城石州平宗弼再伐宋阿里已老督造戰船宋稱臣詔賜阿里錢十萬自結髮從軍大小數十戰尤習舟楫江淮用兵無役不從時人以水星目之為迭里部節度使歷

順義泰寧軍歸德濟南尹天德初致仕加特進封王正隆例封韓國公召赴闕命造戰船以疾薨年七十八謚智敏阿里性忠直多智略兄弟相友愛家故饒財以已猛安及財物盡與弟愛拔里愛拔里不肯受逃避歲餘阿里終與之

突合速宗室子孥罕塞人初隸萬戶石家奴麾下嘗領偏師破雲中諸山寇盜宗望攻平州遣突合速討應州賊平之撫安其民而還及伐宋在宗翰軍以八謀克破石清見屯兵數萬殺戮幾盡師至太原祁縣降而復叛突合速攻下之進取文水縣後從諸帥列屯汾州之境宋河東軍帥

郝仲連張思正陝西軍帥張關索及其統制馬忠合兵數萬來援皆敗之宗翰南伐至潞還太原猶未下即留完顏銀术可總督諸軍經略其地於是宋援兵大至突合速從馬五沃魯破宋兵四千于文水聞宋將黃迪等以兵三十萬柵于縣之西山復與耿守忠合兵九千擊之殺八萬餘人獲馬及資糧甚衆宋制置使姚古率兵至隆州谷突合速與拔离速以步騎萬餘禦之种師中兵十萬據榆次銀术可乃召突合速使中分其兵而還與活女等合兵八千擊敗之斬師中于殺熊嶺宋將張灝以兵十萬營于文水近郊復與拔离速擊破之潞州復叛宋兵號十七萬骨拔突合速拔离速皆被圍突合速麾軍士下馬力戰遂潰圍而出及再舉伐宋宗翰命婁室率軍先趨汴婁室至澤州突合速沃魯以五百騎爲前驅往招河陽先據黃河津宋兵萬餘背水陣進擊敗之皆擠于水遂降河陽汴京平諸將西趣陝津略定河東郡縣突合速取憲州遇其援軍擊敗之生擒其將李革瀛瑰术魯等攻保德未下突合速進兵助擊梯衝並進遂克其城李革烏谷攻石州屢敗亡其三將軍士歿者數百人突合速謂烏谷曰敵皆步兵吾不可以騎戰烏谷曰聞賊挾妖術盡馬以繫其足疾甚奔馬步戰豈可及之突合速笑曰豈有是耶乃令諸軍去馬戰

盡殪之六年宗輔駐師鄧州突合速馬五拔离速西取均  
房遂下其城攻唐蔡陳州及潁昌府皆克之天眷初除彰  
德軍節度使三年爲元帥左監軍皇統八年改濟南尹天  
德間封定國公授世襲千戶卒年七十二正隆二年贈應  
國公初突合速以次室受封次室子因得襲其猛安及分  
財異居次室子取奴婢千二百口正室子得八百口久之  
正室子爭襲連年不決家貲費且盡正室子奴婢存者二  
百口次室子奴婢存者纔五六口世宗聞突合速諸子  
貧窘以問近臣具以爭襲之故爲對世宗曰次室子豈當  
受封邪遂以嫡妻長子襲

烏延蒲盧渾曷懶路烏古敵昏山人父孛古刺龍虎衛上  
將軍蒲盧渾斡力絕人能挽強射二百七十步與兄鶻沙  
虎俱以勇健隸闍母軍居帳下攻黃龍府力戰有功闍母  
敗于兔耳山張覺復整兵來諸將皆不敢戰蒲盧渾登山  
望之乃給諸將曰敵軍少急擊可破也若入城不可復制  
遂合戰破之郭藥師蔡靖以燕京降蒲盧渾率九十騎先  
伺察城中居民去就遂將漢兵千隸完顏蒙适攻真定進  
攻贊皇取之獲人畜甲仗萬餘汴城破日已暮宋人猶力  
戰槍刺中蒲盧渾手戰益力遂敗宋軍賜金五十兩睿宗  
爲右輔元帥已定關陝議取劔外諸州遂拔和尚原元帥

府承制以蒲盧渾為河北西路兵馬都總管及宋主在揚州蒲盧渾與蒙恬將萬騎襲之宋主已渡江破其餘兵後與斜卯阿里俱從宗弼自淮西渡江取江寧宗弼入杭州宋主走明州再走溫州由海道追三百餘里隳明州而歸語在阿里傳天眷二年授鎮國上將軍除安國軍以疾去官皇統六年授世襲謀克起為延安尹賜尚衣一襲尋致仕海陵遷中都起為歸德尹就其家授之賜銀牌襲衣玉吐鶻馳驛之官蒲盧渾留數十日已遠程復聽致仕召赴京師至薊州見海陵于獵所明日從獵獲一狐海陵曰卿年老尚能馳逐擊獸健捷如此賜以御服封函國公除太子少師進太子太保改真定尹入判大宗正事頃之伐宋以本官行右領軍副都督事師次西采石海陵欲渡江蒲盧渾曰宋軍船高大我船庫小恐不可遽渡海陵怒曰汝昔從梁王追趙構於海島皆大舟耶今乃沮吾兵事設不能遽渡江不過有少損耳爾年已七十縱自愛豈有不死理耶明日當與奔睹先濟既而復止之乃遣別將先渡江舟小不可戰遂失利兩猛安及兵士二百餘人皆陷沒海陵遇害軍還大定二年至中都上謁除東京留守世宗召問年幾何對曰臣今年七十三矣上曰卿宿將久練兵事年雖老精神不衰因命到官每旬月一視事賜衣一襲進

階開府儀同三司仍封幽國公是歲卒十八年孫扎虎遷  
廣威將軍襲烏古敵昏山世襲猛安并親管謀克

赤蓋暉字仲明其先附於遼是張皇堡故嘗以張爲氏後  
家萊州暉體貌雄偉慷慨有志略少遊鄉校遼季以破賊  
功授禮賓副使領萊隰濶四州屯兵天輔六年降仍命  
領其衆從闍母定興中府義錦等州及破張覺皆與有功  
以粟萬五千石助軍授洺州刺史宗望初伐宋孟陽之戰  
敵之中軍徑薄宗望營暉與諸將擊敗之追殺至城下訖  
師還數立戰功明年再舉伐宋攻下保州真定暉皆與焉  
進圍汴宋人夜出兵二萬焚我攻具暉以二謀克兵擊走

之凡城中出兵拒戰暉之所當無不勝捷旣克宋還從攻  
河間敵將李成以雄莫之兵來援暉與所部迎擊馬傷而  
墮暉輒奮起步鬪竟敗成兵是日凡七戰皆勝敵人多逼  
死濠隍間暉兩臂亦數中流矢賊將劉先生以兵二萬夜  
襲營暉力戰達旦賊始敗走皆溺死于水暉復傳城力戰  
如是連月諸軍四面合攻遂克之加桂州管内觀察使因  
留撫河間時居民皆爲軍士所掠老幼存者亡幾暉下令  
軍中聽贖還之未幾皆按堵如故從睿宗經畧山東旣攻  
下青州復從闍母攻濰州暉督其裨校先登而城中積爲  
焚乘風縱火發機石暉率將士衝冒而下力戰敗之軍還



復以三十騎破敵于范橋帥府承制加靜江軍節度使進  
攻城中砲出幾中暉拂其甲裳裂之暉益奮攻卒破其城  
又從攻泗州克之還屯汶陽破賊衆于梁山灤獲舟十餘  
移軍攻濟州既敗敵兵因傅城諭以禍福乃舉城降暉約  
束軍士無秋毫犯自是曹單等州皆聞風而下從攻壽春  
歸德及渡淮爲先鋒遇重敵于秀州蘇州皆擊敗之遂至  
餘杭通糧餉治橋道暉之力爲多乃還載資治通鑑版以  
歸大軍過江寧徙其官民北渡時暑多疾疫老弱轉死道  
路其知府陳邦光者訴于宗弼怒將殺之暉曰此義士也  
乃營救之竟得免富平之戰暉在右翼遇濼而敗睿宗念

其前功杖而釋之師至熙河暉別降諸寨將鈐轄及吐蕃  
酋長等并民戶萬五千餘蘭州叛與訛魯補等攻下之獲  
河州安撫使白常熙河路副都總管劉紹輔以獻還攻慶  
陽兩敗重敵殺其將戴巢師還遷歸德軍節度使宋州舊  
無學暉爲營建學舍勸督生徒肄業者復其身人勸趨之  
屬縣民家奴王夔者嘗業進士暉以錢五十萬贖之使卒  
其業夔後至顯官密州吏龐乙卒於官其孤貧不克葬暉  
爲營治葬事且資給其家十三年復從大軍渡淮還鎮丁  
毋憂尋以舊職起復既廢齊爲安化軍節度使天眷三年  
復河南宋人乘間陷海州帥府以登萊沂密四州委暉經

畫敵無敢窺其境者為定海軍節度使尋改濟南尹累遷  
光祿大夫俄以罪罷久之起為昌武軍節度使天德二年  
遷南京留守尋改河南路統軍使授世襲猛安拜尚書右  
丞封河內郡王歲餘拜平章政事封戴王正隆初出為興  
平軍節度使正隆降王爵為樞密副使封景國公未幾復  
為左丞封濟國公尋除大興尹封榮國公薨年六十五大  
定間謚曰武康子師直登進士第

大臭本名撻不野其先遼陽人世仕遼有顯者太祖伐遼  
遼人徵兵遼陽時臭年二十餘在選中遼兵敗臭脫身走  
寧江寧江破臭越城而逃為軍士所獲太祖問其家世因

收養之收國二年為東京察民謀克是時初破高永昌東  
京旁郡邑未盡服屬使臭伺察反側有聞必達太祖以為  
忠實授猛安兼同知東京留守事取中西兩京隸闈毋軍  
遼軍二十萬來戰吳王使臭以本部守營臭堅請出戰不  
許或謂臭曰戰危事獨苦請何也臭曰丈夫不得一決勝  
負尚何為苟臨戰不捷雖死猶生也吳王聞而壯之乃遣  
出戰既合戰闈毋軍少却遼兵後躡之臭麾本部兵橫擊  
殺數百人由是顯名軍中天會三年宗望伐宋信德府居  
燕汴之中可駐軍以濟緩急欲遂攻之恐不能亟下議未  
決臭獨率本部兵選善射者射其城樓別以輕騎潛升於

金史八十

樓角之間遂克其城軍至濬州宋人已燒河橋宗望下令  
軍中有能先濟者功爲上臭捕得十餘舟使勇悍者徑渡  
擊其守者而奪其戍柵由是大軍俱濟明年再伐宋授萬  
戶賜金牌旣破汴京臭爲河間路都統已克河間聞母怒  
其不早降因縱軍大掠臭諫止之已掠者官爲贖還除河  
間尹從攻襲慶府先一日臭命軍士預備釜鋪及薪旣傳  
城諸將方經營攻具未鳴鼓臭軍有素備遂先登軍帥以  
臭未鳴鼓輒戰不如軍令請罪臭朝廷釋弗問仍例賞之  
宗弼伐江南濟淮宋將時康民率兵十七萬來拒臭率本  
部從擊敗之復以騎二千與當海擊敗淮南賊十萬殺萬

餘人王善來降將渡江臭軍先渡舟行去岸尚遠宋列兵  
江口臭視其水可涉則麾兵捨舟趨岸疾渡之宋兵走大  
軍相繼而濟俄遇杜充兵六萬於江寧之西臭與鵬盧補  
擊走之師還臭留爲揚州都統經畧淮海高郵之間再爲  
河間尹兼總河北東路兵馬十一年入見太宗賜坐慰勞  
甚久特遷太子太保賜衣一襲馬二匹及鞍轡鎧甲改元  
帥右都監齊國廢臭守汴京熙宗念臭久勞降御書寵異  
之天眷三年罷漢渤海千戶謀克以臭舊臣獨命依舊世  
襲千戶是歲拜元帥右監軍宗弼再伐宋宋人稱臣乞和  
遂班師臭獨留汴行元帥府事皇統三年加開府儀同三

司八年進左監軍天德二年改右副元帥兼行臺左丞遷  
平章行臺省事進行臺右丞相右副元帥如故海陵疑左  
副元帥撒离喝以爲行臺左丞相使臬伺察之詔軍事不  
令撒离喝與聞撒离喝不知海陵意旨每與臬爭軍事不  
能得遂與臬有隙海陵竟殺撒离喝召臬入朝拜尚書右  
丞相封神麓郡王四年請老爲東京留守貞元三年拜太  
傅領三省事累封漢國王十二月有疾海陵幸其第問之  
是歲薨年六十八海陵親臨哭之詔有司廢務三日禁樂  
三日其三日當賜三國使館燕以不賜教坊樂命左宣徽  
使敬嗣暉宣諭之贈太師晉國王謚傑忠遣使護喪歸葬

正隆奪王爵贈太傅梁國公子磐

磐本名蒲速越以大臣子累官登州刺史襲猛安夫定三  
年除嵩州刺史從僕散忠義伐宋有功五年召爲符寶郎  
遷拱衛直都指揮使初磐以伐宋功進官一階磐心少之  
頗形于言上聞之下吏按問杖一百五十改左衛將軍詔  
次良弓磐多自取及護衛入直者輒以己意更代護衛妻  
室告其事詔點檢司詰問磐有妹在宮中爲寶林磐屬內  
侍僧兒負恩忠使言于寶林曰我無罪問事者迫我使自  
誣服寶林訴于上上怒杖僧兒一百磐責隴州防禦使上  
戒之曰汝在近密執迷自用朕以卿父之功不忍廢棄姑

令補外其思勉之改亳州防禦使遷武寧軍節度使坐事  
除名起為韓州刺史改祁州刺史復坐事削四官解職久  
之尚書省奏大磐以年當叙上曰剛暴之人屢冒刑章不  
可復用太傅大臬別無嫡嗣其世襲猛安謀克不可易也  
阿离補宗室子系出景祖屢從征伐滅遼舉宋皆有功天  
會九年睿宗經略陝西阿离補為左翼都統與右翼都統  
宗弼撫定鞏洮河西寧蘭廓等州軍來賓定遠和政甘峪  
寧洮安隴等城寨及鎮堡蕃漢營部四十餘處漢官軍民  
蕃部酋長甚眾於是涇原熙河兩路皆平詔以兄猛安沙  
离質親管謀克之餘戶以阿离補為世襲謀克天會十二

年為元帥右都監十五年遷左監軍天眷二年徙宗弼復  
河南遷左副元帥皇統三年封譚國公六年為行臺左丞  
相元帥如故是歲薨大定間大褒功臣圖像衍慶宮歡都  
死康宗時不及與馳驚遼宋之郊然而異姓之臣莫先焉  
故定衍慶亞次功臣代國公欽都金源郡王石土門徐國  
公渾黜鄭國公護都訶濮國公石古乃濟國公蒲查韓國  
公斜卯阿里元帥左監軍拔离速魯國公蒲察石家奴銀  
青光祿大夫蒙遠隨國公浩女特進突合速齊國公婆盧  
火開府儀同三司烏延蒲盧渾儀同三司阿魯補鎮國上  
將軍烏林答泰欲太師領三省事勛太傅大臬大興丑赤

之驍金吾衛上將軍耶律馬五驃騎衛上將軍韓常并阿  
离補成著勳焉子言方言別有傳

方以宗室子累官京兆少尹遷陝西路統軍都監方專事  
財賄不恤軍旅詔戒之曰卿宗室舊人乃縱肆敗法惟利  
是營朕甚惡之自今至於後日萬一爲之必罰無赦大定  
三年遷元帥右都監轉元帥左監軍改順天軍節度使上  
曰卿本無功歷顯仕不能接陳友往往交惡在京兆貪鄙  
章聞至無謂也朕念卿已過中年必能後改慎勿復爾除  
西南路招討使朝廷以兵部郎中高通爲招討都監以佐  
之詔通曰卿到天德母以其官長曲從之也簡閱沿邊士

卒母用孱弱之人母以僕隸代役女直舊風凡酒食會聚  
以騎射爲樂今則奕碁雙陸宜悉禁止令習騎射從其苦  
處之便亦不可召集擾之久之方坐強買部人馬二匹削  
一階解職降耀州刺史通亦坐賊除名方後遷橫海軍節  
度使入爲同簽大宗正事簽書樞密院事初阿魯當授謀  
克未封而薨烏帶受之烏帶死兀答補襲之兀答補死烏  
也阿補當襲是時已降海陵爲庶人世宗以烏帶在熙宗  
逆黨中其子孫不合受封傳封者久之而阿离補功亦不  
可廢絕特詔方襲之云

贊曰斜卯阿里突合速烏延蒲盧渾赤盞暉人吳阿离補

等六人皆收國以來所謂熊羆之士不二心之臣也其功有可錄者焉

列傳第十八

列傳第十九

金史八十一

開府儀同三司在國錄軍國重事前中書省丞相修國史領經筵事都總裁臣 脫脫 素

勅修

鶻謀瑟

迪姑迭

阿徒罕

夾谷謝奴

阿勒根沒都魯

黃摑敵古本

蒲察胡益

夾谷吾里補

王伯龍

高彪

温迪罕蒲里特

伯德特里補

耶律懷義

蕭王家奴

田灝

趙陔

鶻謀瑟木吉水斜卯部人也性忠直寬厚重節義勇於戰

父阿鶻土贈金吾衛上將軍穆宗時鶻謀琵琶內附先遣子  
寧吉從間道送款遂使活里曠與鶻謀琵琶合軍攻降諸部  
因領其衆與弟胡麻谷渾坦姪阿里等攻下諸城從撒改  
破鳩塔城穆宗屢賞之破高麗戍兵與石適歡討平諸部  
蒲察部雅里孛董與其兄弟胡八雙括等欲叛歸遼鶻謀  
琵琶執之送于康宗賜賚甚厚破高麗曷懶甸及下陲魯城  
有功天輔六年卒年七十二天眷中贈銀青光祿大夫  
迪姑迭溫迪罕部人祖扎古廼父阿胡迭世爲胡論水部  
長迪姑迭年二十餘代領父謀克攻寧江州敗遼援兵獲  
甲馬財物攻破奚營回至韓州遇敵二千人擊走之幹魯

古與遼人戰于咸州兵已却迪姑迭以本部兵力戰諸軍  
復振迭大破之護步答岡之役乙里補孛董陷敵中迪姑  
迭援出之攻黃龍府身被數創授猛安天輔七年從上至  
山西病卒年四十七天眷中贈光祿大夫

阿徒罕溫迪罕部人年十七從撒改幹帶等討平諸部皆  
身先力戰高麗築九城于曷懶甸幹塞禦之阿徒罕爲前  
鋒高麗有屯于海島者阿徒罕率衆三十人夜渡焚其營  
柵戰艦大破之遂下馳吉城既而八城皆下功最遼兵自  
寧江州東門出阿徒罕逆擊盡殪之以功授謀克從攻黃  
龍府力戰身被數十創竟登其城後與烏論石準援照散



城阿徒罕請乘不備急擊之遂夜過益褪水詰朝大敗之  
幹魯上其功賜幣與馬天輔四年五月疾病賜良馬一匹  
詔曰汝安則乘之年六十五卒上悼惜之遣使弔祭以馬  
爲贈阿徒罕爲人孝弟好施惠捷善弋獵至角觝擊鞠  
咸精其能

夾谷謝奴隆州納魯悔河人也國初祖阿海率所部來歸  
獻器用甲仗父不刺速嚴本部勃  
猛安親管謀克爲曷懶路都統謝奴其長子也長身多髯  
善騎射通女直契丹大小字及漢字既冠隨其父見太祖  
命佩金牌總領左翼護衛西京未下謝奴獲城中生口乃

知城中潛遣人求救於外都統府得爲之備却其救兵西  
京乃下自燕京還過判泥恩納阿遇敵於隘謝奴身先士  
卒射殺敵中先鋒二人敵潰走總管蒲魯虎以甲及馬贈  
之後領其父猛安從攻和尚原出仙人關宋兵據險猛安  
雖訛只突戰不克謝奴選麾下五十人戰克之與吳玠相  
拒烏里雅行陣不整具玠乘之謝奴領兵逆戰遂大破敵  
計前後功襲其父猛安謀克宗弼復取河南陝西宋人欲  
潛兵襲取右閩諸管謝奴自渭南大禹鎮掩其伏兵射中  
其軍帥宋兵敗走多獲旗幟兵仗帥府厚賞之除華州防  
禦使入爲工部侍郎遷本部尚書改平涼尹昭義軍節度

使大定初卒

阿勒根沒都魯上京納鄰河人也後徙咸平路梅黑河雄  
偉美鬚髯勇毅善射國初伐遼沒都魯在軍中領謀克猛  
安每遇敵往來馳突人莫敢當故所戰皆克皇統元年計  
功擢宣威將軍明年授同知通遠軍節度使改移刺都剌  
詳穩授世襲本路寧打渾河謀克為滑州刺史改肇州防  
禦使蒲與路節度使遷驃騎上將軍是歲以年老致仕卒  
累官金吾衛上將軍年七十三

黃摑敵古本世居星顯水從破寧江取咸州平東京路及  
諸山寨柵皆有功從麻吉破遼將和尚節使兵七千於上  
京復破那野軍二萬再從麻吉遇敵於阿鄰甸麻吉被創  
不能戰敵古本率兵擊敗之勦殺殆盡從攻回鶻城破其  
兵九萬敗木匠直撒兵於山後俘獲甚衆敗昭古牙之兵  
三千獲其家屬而還攻平州張覺吾春被圍於西山敵古  
本引兵救之解其圍并獲糧五千斛招降戶口甚衆從平  
興中撫安其民人天會間大軍伐宋敵古本從取濬開德  
大名及取濟南高唐棣密等州皇統間以功罷謀克移屯  
於壽光縣界為千戶六年授世襲千戶棣州防禦使卒  
蒲察胡盞案出澣水八年十八從軍其父特斡死罷為謀  
克天輔間夏以兵三萬出天德路胡盞從婁室迎戰以兵

三百敗敵二千天會三年大軍攻太原城中出兵萬餘來戰胡蓋以所領千戶軍擊之復敗敵兵三萬餘於榆次境六年從婁室攻京兆以所部兵屢與宋人接戰皆先登有功七年取邠州遇宋人二十餘萬我軍右翼少却時胡蓋為左翼千戶摧鋒陷陣敵遂敗去敗張浚富平復有功十三年擊關師古於臨洮衆三萬餘從攻涇州從破德順秦鞏臨洮河蘭等州破吳璘兵胡蓋皆有力為授德順州刺史改隴州防禦使鳳翔尹卒年五十五

夾谷吾里補暗土渾河人徙天德父兀屯計為表寫謀罕有功吾里補隸婁室帳下攻係遼女直招降太寧照三等從婁室救斡魯古于威州敗遼兵于押魯虎城遼軍營遼水吾里補五謀克軍乘夜擊之遼軍驚潰殺獲幾盡斡魯古高永昌吾里補以數騎奮擊于遼水之上復以四十騎伏于津要遇其倭騎擊之獲生口因盡知永昌虛實太祖嘉之賞奴婢八人永昌駐軍於兔兒陀先據津要軍不得渡吾里補與撒八射殺其先鋒二人永昌衆稍却大軍遂渡遼水及攻廣寧軍帥選勇士先登吾里補與赤盞忽沒渾各領所部突入其陣大軍繼之遂拔廣寧太祖攻臨潢吾里補而被重創奮擊自若賞以遼宮女二人遼主果已取中京吾里補以四十騎覘敵獲遼喉舌人因知遼主所

在後從都統斡魯定雲中從宗翰屯應州遼軍在近境吾里補以所部擊敗之宗望伐宋宋安撫使蔡靖詣吾里補降寧室攻陝西諸郡徃徃復叛吾里補攻敗之敗張浚軍于富平吾里補先登睿宗賞以金器名馬遂以先鋒攻蘭州下其城加昭武大將軍授世叡猛安累官字特本部族御度使以老致仕封芮國公吾里補多智略膂力過人雖甚老勇健不少哀大定初劇賊嘯聚出特鄙關吾里補率鄉里年少逆擊之賊黨遂潰事聞賞賚甚厚大定二十六年卒一百有五歲

王伯龍潘州雙城人也遼末聚黨為盜天輔二年率衆二萬及其輜重來降授世叡猛安知銀州兼知雙州三年太祖攻臨潢伯龍與韓慶和以兵護糧餉輓夫千五百人皆授甲慶和已將兵行前伯龍從糧居後遇遼兵五千餘邀於路伯龍率輓夫擊敗之獲馬五百匹四年從攻下中京并克境內諸山寨為靜江軍節度留後五年真授節度使從宗望討張覺於平州伯龍先登馳擊手殺數十百人遷右金吾衛將軍白河之戰伯龍當其左軍麾兵疾馳蹂之宋軍亂我師乘勝奮擊敗之宗望伐宋伯龍為先鋒次保州遇敵五萬破之招降新樂軍民十餘萬大軍圍汴宋太尉何臬以軍數萬出酸棗門伯龍以本部遮擊多所斬獲

及破汴伯龍以治攻具有功進破孔彥舟鄺瓊衆三萬於  
沼州是年同知保州兵馬安撫司事將兵數千攻北平坂  
之復取保州河間睿宗經略山東伯龍從攻青州未下城  
中夜出兵嚴伯龍營伯龍不及甲獨被衣挺刃拒營門敵  
不得入因奮擊殺數十人已而軍士皆甲出殺傷宋兵不  
可勝計并獲其一將斬之及下青州第功伯龍第一六年  
還攻莫州降之加太子少保莫州安撫使破李固寨衆十  
餘萬於濮州濮城守城中鎔鐵揮我軍攻之不能剋伯龍  
被重甲首冠大金挺槍先登殺守陴者二十餘人大軍相  
繼而上遂剋之進攻徐州伯龍復先登充徐宿邳三路軍

馬都統敗高托山之衆十五餘萬於清河進擊韓世忠於  
邳州走之與大軍會於宿遷追世忠至揚州還攻泗州泗  
州守將以城降屯軍磁陽破陳宏賊衆四十餘萬破黃陂  
於單州進攻歸德軍帥遣伯龍立攻具伯龍從二十餘騎  
行視地形城中忽出兵千餘欲生得伯龍伯龍縱騎馳之  
敵兵亂墮隍而死者幾二百人破王善之衆於巢縣取廬  
州和州伯龍之功多軍渡采石擊敗岳飛劉立路尚等岳  
獲芻糧數百萬計還過真揚道遇鄺瓊韓世忠軍復戰敗  
之復爲莫州安撫改知澤州太行群賊往往嘯聚伯龍皆  
平之天眷元年爲燕京馬軍都指揮使從元帥府復收河

南權武定軍節度使兼本路都統宋兵據許州伯龍擊走之招復其人民是年秋泰安卒徙張貴驅脅良民據險作亂伯龍討平之皇統元年以本部從宗弼南伐攻破濠州而還三年爲武定軍節度使改延安尹寧昌軍節度使天德三年改河中尹徙益都尹封廣平郡王卒年六十五正隆間例贈特進定國公

高彪本名召和失辰州渤海人祖安國遼興辰開三鎮節度使父六哥左承制官至刺史彪始生其父用術者言爲其時日不利於己欲不舉其母爲營護居數歲竟逐之彪匿於外家遼人調兵東京時六哥已老當從軍悵然謂所

親曰吾兒若在可勝兵矣所親具以實告因代其父行戰於出河店遼兵敗走彪獨力戰軍帥見之曰此勇士也愈生致之幹魯攻東京六哥率其鄉人迎降以爲榆河州十戶父之告老彪代領其衆都統果攻中京彪領謀克從幹魯破遼將合魯燥及韓慶民於高惠之境已而駐軍武安合魯燥以勁兵二萬來戰從幹魯出戰與所部皆去馬先登奮擊敗之奚人負險拒命所在屯結彪屢戰有功宗望攻平州彪徇地西北道破敵招降石家山寨再從宗望伐宋爲猛安師次真定彪率兵士七十人臨城築甬道城中夜出兵焚攻具彪擊走之大軍圍汴以五十騎屯於東南

水門宋人再以重兵出戰彪皆敗之師還屯鎮河朔復破敵於霸州擒其裨將祝昂河間夜出兵二萬嚴我營壘彪率三謀克兵擊敗之天會五年授靜江軍節度使壽州刺史明年伐宋從帥府徇地山東攻城克敵數被重賞七年師至睢彪以所部招誘京西人民次柘縣其官吏出降彪獨與五十餘騎入城繼而城中三千餘人復叛彪率其衆力戰敗之撫安其民而還從梁王宗弼嚴康王至杭州師還宋將韓世忠以戰艦數百扼於江北宗弼引而西將至黃天蕩敵舟三十餘來逼南岸其一先至者載兵士二百餘彪度垂及以鉤拽之率勇士數十躍入敵舟所殺甚衆

餘皆逼死於水中明年從攻陝西師至寧州彪與宗人昂率兵三千取廓州始至有來降者言城東北隅守兵將謀爲內應彪即夜從家奴二人以登左右守者覺之彪與從者皆殊死戰諸軍繼進遂克其城從攻和尚原及仙人關與阿里監護漕糧并戰艦至亳州宋人以舟五十艘阻河路擊敗之擒其將蕭通擊漣水賊水寨進取漣水軍其官民已遁去悉招降之彪勇健絕人能日行三百里身被重鎧歷險如飛及臨敵身先士卒未嘗反顧大小數十戰率以少擊衆無不勝捷齊國既廢攝滕陽軍以東諸路兵馬都統撫諭徐宿曹單滕陽及其屬邑皆按堵如故爲武寧

列傳  
軍節度使頗贖貨嘗坐賊海陵以其勲舊杖而釋之改忻  
州防禦使陞安化安國武勝軍節度使遷行臺兵部尚書  
改京兆尹封郟國公以憂去官起復爲武定軍節度使歸  
德尹正隆例授金紫光祿大夫久之致仕復起爲樞密副  
使哥國公賜名彪卒年六十七謚桓壯彪性機巧通音律  
人無貴賤皆温頗接之

温迪罕蒲里特隆州移离閔阿胡勒出寨人也魁梧美髯  
有謀略以智勇聞都統杲取中京蒲里特權猛安領軍五  
千遇契丹賊萬餘與戰敗之出袞古里道敗敵八千餘至  
彌門華道復以伏兵敗敵萬人太祖定燕自儒州至居庸

關執其喉舌人有頃賊三千餘人復寇臘門華道蒲里特  
整隊先登賊識其旗幟望風而遁遂奮擊之親執賊帥皇  
統元年從梁王宗弼伐宋留軍唐州敵衆奄至蒲里特擊  
之大名軍萬四千號二十萬蒲里特率親管猛安身先士  
卒衝擊敵少却乃張左右翼併擊之敵衆散走而別遇兵  
二萬來援復以兵三千擊走之時邳州土賊備聚幾二十  
萬蒲里特軍三千分爲數隊急攻之賊潰去南京路遇敵  
軍二萬蒲里特以軍三千擊敗之是日有兵自城中出者  
復擊敗之皇統二年遷定遠大將軍同知鳳翔尹六年改  
京兆尹轉寧州刺史改西北路招討都監遷永定軍節度



使海陵南征改武衛軍都總管大定三年授開遠軍節度使改泰寧軍卒十九年以功授其子兀帶武功將軍本猛安奚出痕世襲謀克

伯德特尙補奚五王族人也遼御院通進天會初與父撻不也歸朝授世襲謀克後以京兆尹致仕特尙補招降松山等州未附軍民及招降平州薊州境內督之耕作宗望伐宋特尙補爲軍馬猛安與諸將留規取保遂安三州攻安肅軍河間雄保等兵十餘萬來救特尙補率所部先戰大軍繼之大破其兵遂拔安肅特尙補攝通判事降將胡愈陰結衆謀亂特尙補勒兵擒愈及其衆五十餘人安肅

軍改爲州就除同知州事改磁州捕獲太行群盜元帥府以磁相二州屯兵屬之擒王會孫小十苗清等群盜遂平遷濱州刺史廉入優等以母憂去官起復本職改涿州刺史入爲工部郎中從張浩管繕東京宮室及田穀黨事起朝省爲之一空特尙補攝行六部事遷大理卿出爲同知東京留守天德三年復爲大理卿同知南京留守丁父憂起復洛州防禦使正隆盜起州縣無兵不能禦洛舊有河附于城下特尙補乃引水注濠中以爲固盜弗能近州賴以安遷崇義軍節度使未幾告老歸田里卒特尙補爲人孝謹爲政簡靜不積財常曰俸祿已足養廉衣食之外何

用蓄積凡調官行李止車一乘婢僕數人而已

耶律懷義本名字迭遼宗室子年二十四以戰功累遷同

知點檢司事宗翰已取西京遼主謀奔于夏懷義諫止之

不見聽乃竊取遼主廐馬來降太祖自燕還師留宗翰幹

魯經略西方懷義領謀克從軍天會初帥府以新降諸部

大小遠近不一令懷義易置之承制以爲西南路招討使

乃擇諸部衝要之地建城市通商賈諸部兵革之餘人多

匱乏自是衣食滋畜牧蕃息矣從宗翰伐宋降馬邑破

鴈門屯兵進攻太原以所部別降清源縣徐溝鎮遂與諸

將列屯汾州之境時河東陝西路兵來救太原劉光世折

可求柵于文水西山懷義捕得生口盡知宋兵屯守要害

乃分兵襲敗之明年再伐宋從婁室取汾州及其屬邑遂

過平陽出澤潞以趨河陽所至皆降及大軍圍汴懷義屯

京西汴城既下宋兵之出奔者邀擊盡之從攻鄭鄧州及

討平鄭州叛者攻下濮州及雷澤縣從破大名東平府徐

兗等州皆有功七年還鎮十年加尚書左僕射改西北路

招討使懷義在西陲幾十年撫御有恩及去老幼遮道攀

戀數日不得發天眷初爲太原尹治有能聲改中京留守

從宗弼過烏納水還中京以老乞致仕不許改大名尹命

不赴治所止以俸廉給之每歲春水扈從餘聽自便明年

列傳

再請老得謝給俸饒之半海陵即位封漆水郡王進封華  
王父之進封蕭王正隆例封景國公其子神都幹為西北  
路招討都監迎侍之官神都幹從海陵南征懷義卒于雲  
中年八十二

蕭王家奴奚人也居庫党河為人魁偉多力未冠仕遼為  
太子率府率天輔七年都統杲定奚地王家奴率其鄉人  
來降命為千戶領之奚王回鹘保既死其親黨金臣阿古  
者猶保撒葛山王家奴與突撚往討之生擒金臣阿古者  
降其餘衆時平瀛多盜王家奴以所部屢破賊兵斬馘執  
俘數被賞賚宗望伐宋敗郭藥師於白河亦與有功至河

上宋兵扼津要與諸將擊敗之進圍汴破其東門兵明年  
再伐宋宗望軍至中山諸門分兵出戰焚我攻具祁州河  
間各以兵來援皆敗之師還屯鎮河朔濱州賊葛進聚衆  
數萬臨淄亭董照里以騎兵二千討之王家奴領謀克先  
登力戰大破其衆明年攻滄州宋兵拒戰復從照里擊走  
之宋將徐文以舟百艘泊海島即以商船十八進艤斬首  
七百級獲舟二十天會八年除靜江軍節度使授世襲千  
戶從梁王宗弼征伐為萬戶還為五院部節度使天德二  
年改烏古迪烈招討都監卒

田顯字默之興中人遼天慶八年進士歷官金部員外郎

權歸德節度使太祖定燕顯舉四州版圖歸朝加都官郎  
中權節度使事四遷知真定府事拍降齊博游貴等賊衆  
五千餘人已而貴復叛去顯遣齊博偽叛從貴因令伺間  
殺之降其衆賊壘悉平三遷行臺左丞彰德軍節度使是  
時新定力役顯蠲籍之半而上之故相之繇賦比他州獨  
輕徙同知河北東路都總管改同簽燕京留守司事民遮  
留不得出易服夜去改河東南路轉運使尋改絳陽軍節  
度使居三年以疾請謝事徑解印歸數奏不允移鎮振武  
軍入爲刑部尚書居三月請老卒于家

趙陔字德固遼陽人其婦翁以優伶得倖於遼主陔補閣  
門祇候累遷太子左衛率後居灤州宗望討張覺陔踰城  
出降授洛苑副使爲灤州千戶遷洛苑使檢校工部尚書  
從伐宋至汴遷棣州刺史侍衛步軍都虞候及再伐宋攻  
真定與有功改商州刺史檢校尚書右僕射五年同知信  
德府路統押軍兵兼沿邊安撫司事明年權知濟州事八  
年從定河南授隴州團練使十年改知石州陔久在兵間  
不善治民坐謗議謫監平州甜水鹽齊國廢河南皆以宿  
將守之授陔宿州防禦使統本路軍兵陔重義接儒士嘗  
以事至汴有故人子負官錢百萬陔以橐金贈之其子悉  
爲私費復代輸之頃之有訟徐帥不法者朝廷使陔鞠治

賊委曲營護坐是廢罷寓居於燕海陵出領行臺省至燕  
賊往見之因訴其事及海陵即位起為保大軍節度使貞  
元初改內省使未幾為中都路都轉運使明年再徙順義  
興平入為太子詹事鎮沁南以疾卒年六十六後十餘年  
賊子孫司徒張通古子孫皆不肖淫蕩破貲產賣田宅世  
宗聞之詔曰自今官民祖先亡沒子孫不得分割居第止  
以嫡幼主之母致鬻鬻仍著于令

列傳第十九

列傳第二十

金史八十二

明府儀司在國錄國書所書者相修國史司巡選事都錄裁臣 孫未  
勅修

郭藥師子安國 耶律塗山 烏延胡里改

烏延吾里補 蕭恭 完顏習不主

紇石烈胡刺 耶律恕 郭企忠

烏孫訛論 顏盪門都 僕散渾坦

鄭建充 烏古論三合 移刺温

蕭仲恭子拱 蕭仲宣 高松

海陵諸子

光英

知思阿補

廣陽

陳普

郭藥師渤海鐵州人也遼國募遼東人爲兵使報怨于女直號曰怨軍藥師爲其渠帥幹魯古攻顯州敗藥師于城下遼帝亡保天德耶律捏里自立改怨軍爲常勝軍擢藥師諸衛上將軍捏里死其妻蕭妃稱制藥師以涿易二州歸于宋藥師以宋兵六千人奄至燕京甄五臣以五千人奪迎春門皆入城蕭妃令閉城門與宋兵巷戰藥師大敗失馬步走踰城以免宋人猶厚賞之大相割燕山六州與宋人宋使藥師副王安中守燕山及安中不能庇張覺而殺之函其首以與宗望藥師深尤宋人而無自固之志矣

宗望軍至三河藥師等拒戰于白河兵敗藥師乃降宗望遂取燕山太宗以藥師爲燕京留守給以金牌賜姓完顏氏從宗望伐宋凡宋事虛實藥師盡知之宗望能以懸軍深入駐兵汴城下約質納幣割地全勝以歸者藥師能測宋人之情中其肯綮故也及兩鎮不受約束命諸將討之藥師破順安軍營殺三千餘人海陵即位詔賜諸姓者皆復本姓故藥師子安國仍姓郭氏

郭安國藥師子也累遷奉國上將軍南京副留守貞元三年南京大內火海陵使右司郎中梁鉞同知安武軍節度事王全按問失火狀留守馮長寧都轉運使左瀛各杖一

百除名安國及留守判官大良順各杖八十削三官火起  
慶尙當官南京兵馬都指揮使吳濬杖一百五十除名失  
火位押宿兵吏十三人並斬諭之曰朕非以宮闕壯麗也  
自即位以來欲巡省河南汝等不知防慎致外方姦細燒  
延殆盡本欲處爾等死罪特以舊人寬貸之押宿人兵法  
當處死疑此輩容隱姦細故皆斬也安國性輕躁本無方  
略海陵將伐宋以安國將家子擢拜兵部尚書改刑部尚  
書軍興領武捷軍都總管與武勝武平軍爲前鋒海陵授  
諸將方略安國前奏曰趙構聞王師至其勢必逃竄臣等  
不以遠近追之獲而後已但置之何地海陵大喜曰卿言  
是也得構即置之寺觀嚴兵守之及聞世宗即位海陵謀  
北還更置浙西道兵馬都統制府以完顏元宜爲都統安  
國副之及海陵遇弒衆惡安國所爲與李通輩皆殺之  
贊曰郭藥師者遼之餘孽宋之厲階金之功臣也以一臣  
之身而爲三國之禍福如是其不侔也魏公叔座勸其君  
殺衛鞅豈無所見歟

耶律塗山系出遼輦氏在遼世爲顯族塗山仕至金吾衛  
大將軍遙里相溫遼帝奔天德塗山以所部降宗翰承制  
授尚書爲西北路招討使宗翰伐宋塗山率本部爲先鋒  
至汾州遇宋將折家軍請濟師併力破之從攻太原降德

府從入汴克洛陽及從婁室平陝右天會七年授太子少保十年遷尚書左僕射致仕卒年九十一正隆例贈特進  
郜國公

烏延胡里改曷懶路星顯水人也後授愛也窟謀克因家焉從闍母圍平州有功及伐宋圍汴五謀克與宋兵萬人遇于城南胡里改先馳擊敗之元帥府遂賞良馬一匹五年攻宗城縣敵棄城走恩州胡里改追殺千餘人獲車四百兩帥府賞牛三十頭馬一匹七年討泰山群盜平之毀其營柵兗州群寇三千餘保據山險胡里改復破之賞牛二十二頭馬四匹八年攻廬州至拓臯鎮胡里改領甲士

三十爲前鋒執宋所遣持書與劉四廂錡者七人復以先鋒軍攻和州比至含山縣五里獲甲士二人乃知宋以將將兵且至胡里改伏其軍遂獲姚觀察帥府賞馬二匹九年定陝右胡里改以所部遇敵千人敗之生擒甲士一人盡得敵之虛實又從蒲魯渾徇地熙秦敗敵兵二千於秦州賞馬一匹宋人屯襄陽府監軍按補遣胡里改領四猛安往攻之宋兵三千已渡江方營壁壘乘其未就突戰破之梁王宗弼復河南將攻陳州遣胡里改以甲士三十捕偵候人至蔡州西遇兵八十餘戰敗之獲南頓縣令及攻陳州夜將四更忽聞敵開門潰走胡里改亟領二謀克軍



追及之而猛安突葛速亦領軍繼至大敗之皇統二年遷  
定遠大將軍八年授臨洮少尹兼熙秦路兵馬副都總管  
九年改同知京兆尹兼本路兵馬都總管天德改同知平  
陽尹兼河東南路兵馬都總管貞元三年改同知曷懶路  
總管大定四年授胡里改節度使七年改歸順軍節度使  
十年移鎮顯德卒官年六十九十九年詔授其子五十六  
武功將軍世襲本路婆桑火河謀克

烏延吾里補曷懶路禪嶺人也徙大名路天會中從其父  
達吉補隸元帥右監軍麾下捷懶以事赴闕以達吉補自  
隨吾里補領其父謀克從大軍攻滄州方夷濠隍城中兵

來拒吾里補以本部擊却之王師下青州乃戰有功獲  
百匹以獻降獲賊黨甚眾青州戍將覲吉補以萊州兵眾  
請濟於帥府吾里補將十二謀克兵往救之遂降其四營  
拔其一營得戶四千又敗賊兵五萬于恩州攻破其營降  
戶五萬獲牛畜萬餘將至臨清縣遇敵兵三千又敗之俘  
獲其衆生擒賊首以獻帥府嘉其功以奴婢百牛三十賞  
之時覲吉補敗于恩州之境吾里補復以兵四千往救之  
破敵萬餘宋兵十萬在單父間總管宗室移刺屋選步卒  
一萬騎兵四千往討之吾里補領其親管謀克以從遇敵  
先登力戰有功大軍經略密州吾里補將兵二千為前鋒

遇敵萬人于高密遂敗其衆追至城下殺戮殆盡獲馬牛  
三千餘吾里補與李太欲敗賊王義軍十餘萬于州南是  
夜賊兵數千來襲營吾里補以兵橫擊走之後從大軍攻  
楚揚通秦等州天眷二年襲其父世襲猛安授寧遠大將  
軍皇統七年益以親管謀克天德三年除同知歸德尹正  
隆初爲唐古部族節度使大定二年爲保大軍節度使是  
歲改鎮通遠是時宋軍十萬餘入阿隴據險要攻郡邑元  
帥左都監合喜奏益兵詔益兵七千遣吾里補與彰化軍  
節度使宗室璋等七人偕往以備任使進階龍虎衛上將  
軍卒于軍中

蕭恭字敬之乃烈奚王之後也父翊天輔間歸朝從攻興  
中遂以爲興中尹師還以恭爲質子宗望伐宋翊當領建  
興成川懿五州兵爲萬戶軍帥以恭材勇使代其父行時  
年二十三至中山宋兵出戰恭先以所部擊敗之經山東  
及渡淮襲康王皆在軍中師還帥府承制授德州防禦使  
奚人之屯濱棧間者皆隸焉改棧州防禦使皇統間改同  
知橫海軍節度使丁父憂起復爲太原少尹用廉遷同知  
中京留守事累遷兵部侍郎授世襲謀克坐問禁中起居  
狀決杖奪一官貞元二年爲同知大興尹歲餘遷兵部尚  
書爲宋國生日使以母憂去官起復爲侍衛親軍馬步軍

都指揮使四年遷光祿大夫復為兵部尚書是歲經書夏國邊東遠過臨潼失所佩金牌至太原憂恙成疾時已具其事驛聞於朝海陵復命給之仍遣諭恭曰汝失信牌亦猶不謹朕方俟汝欲有委使乃稱疾耶必以去日身佩信牌歸則無以為辭欲朕先知耳使至恭已疾篤稽顙受命俄頃而卒海陵方遣使與其子護衛九哥馳視乃戒府官使善護之至保州已聞訃矣海陵深悼惜之命九哥護喪以還所過州府設奠夜至都命百官致祭親臨奠賻贈甚厚并賜廐馬一謂九哥曰爾父銜命卒於道途甚可悼惜朕乘此馬十年今賜汝父可常控至柩前既葬汝則乘之

完顏習不主年十六從伐宋攻下懷仁縣功居最從睿宗經略陝西以兵七百人入丹州諸山遇盜三千擊敗之又破賊四千生擒其將帥出隴州以兵四百敗敵數千宋兵七千來取鞏州復擊走之又以五千兵敗吳玠之衆三萬白塔口遇敵五千復敗之別降定遠等寨皇統二年授同知臨洮尹以憂去官未期以舊職起復改孟州防禦使遷臨洮尹復以罪罷正隆三年起為京兆尹改河南尹卒年五十八

紇石烈胡剌晦發川噍敦河人徙西北路識契丹字為帥府小吏梁王宗弼復陝西久不通問睿宗在燕京遣胡剌

往候之是時宗弼自鳳翔攻和尚原使胡刺視彼中地形  
修道築城十二年往濱州密訪南邊事體及觀劉豫治齊  
狀盡得其虛實睿宗甚嘉之皇統初從宗弼渡淮及下廬  
和二州大破張浚韓世忠等軍遣胡刺馳奏賞以金盃重  
綵五端綰五匹七年授同知景州軍州事以廉加忠武校  
尉天德初以監察御史分司行臺歷同知濟州防禦使事  
入為監察御史秩滿再任大定二年遷刑部員外郎與御  
史大夫白彥敬往西北部族市馬累轉泗州防禦使三遷  
蒲與路節度使移寧昌軍卒

耶律恕字忠厚本名釋里遼橫帳秦王之族也為人謹愿

有志喜讀書通契丹大小字與耶律高八來歸妻室問高  
八曰與爾同來者誰可任用治軍旅事高八對曰釋里可  
妻室與宗翰伐宋恕隸前鋒取和尚原攻仙人關特為睿  
宗所知再除太原真定少尹撒離喝辟署陝西參謀委以  
軍務遷行臺兵部侍郎再遷尚書左司郎中海陵為平章  
政事謂恕曰君亦有黨乎恕正色曰窮則獨善其身達則  
兼善天下不以其道得之非恕之志也何朋黨之有海陵  
徐曰前言戲之耳父之為沁南軍節度使遷行臺工部尚  
書行臺罷改安國軍節度使為參知政事以疾求解為興  
中尹入為太子少保正隆元年致仕封廣平郡王薨年六

十九二年例贈銀青光祿大夫

郭企忠字元弼唐汾陽王子儀之後郭氏自子儀至承勳皆節鎮北方唐季承勳入于遼子孫繼為天德軍節度使至昌金降為副使企忠幼孤事母孝謹年十三居母喪哀毀如成人服除襲父官加左散騎常侍天輔中大軍至雲中遣耶律坦招撫諸部企忠來降軍帥命同勾當天德軍節度使事徙所部居于韓州及見太祖問知其家世禮遇優厚以白鷹賜之天會三年伐宋領西南諸部番漢軍兵為猛安從破鴈門屯兵加桂州管內觀察留後鎮代州明年賊楊麻胡等聚眾數千于五臺企忠與同知州事迪里

討平之遷知汾州事是時汾州初下居民多為軍士掠去城邑蕭然企忠詣帥府力請願聽其親舊贖還帥府從之未幾完實如故石州賊閻先生眾數萬至城下僚屬慮有內變請為備企忠曰吾於汾人有德保無他乃率吏民城守會援至合擊破之六年改靜江軍節度留後遷天德軍節度使汴京步軍都指揮使累遷金吾衛上將軍秩滿權沁州刺史到官歲餘卒年六十八

烏孫訛論善騎射龍衣撒改謀克從蒙剗攻東京及廣寧擊北京山賊皆有功蕭霸哲來攻恩州訛論以六十騎偵之逮夜遇敵數百騎掩擊之生獲三人知霸哲眾九萬且

至故蒙刮得以爲備遂破霸哲宗望伐宋已至汴訛論破  
尉氏中牟援兵取其城久之以兵百五十人破敵一千於  
滄州西明年再伐宋蒙刮戍開州訛論以騎四百守河復  
敗千餘人斬首七百餘宗弼渡淮阿里先具舟于江上聞  
王善兵扼其前宗弼使訛論濟師敗王善于和州北李成  
以兵七萬據烏江訛論帥二千人直前敗之宗弼遂渡江  
至江寧十五年沂州竇防禦叛訛論敗之獲竇防禦錄前  
後功授猛安加昭武大將軍宗弼再取河南訛論以五十  
騎敗揚家賊五百於徐州東以功受賞不可勝計天德二  
年除唐州刺史移淄州遷石壘部族節度使行至北京病

卒

顏益門都隆州帕里干山人也身長美鬚髯天會間從其  
兄羊艾在軍中方取汴京其兄戰歿遂擐甲代其兄充軍  
睿宗定陝右以門都爲蒲鞏隸監軍杲親管萬戶攻饒風  
關至坊州杲欲與總管蒲魯虎會於鳳翔遣門都領六十  
騎先往期會及還備得地形險阨賞銀五十兩其後梁王  
宗弼駐軍山東遣人詣陝西特召門都至今齊廢齊及安  
撫百姓詔書往諭監軍宗室杲門都旣還宗弼賞以良馬  
銀絹事畢復遣從杲天眷初叛將定國軍節度使李世輔  
僞邀杲至私署以獻甲爲名遂以兵劫執而去門都突出

以告押軍猛安完顏撻懶同率兵追及首出與戰暴由此  
得脫以功遷明威將軍復從杲招復陝西進至鳳翔齊國  
初廢諸路多反覆不一杲授門都牌劄令往撫定門都所  
至多張甲兵從者安之違者討之帖然無復叛者杲甚嘉  
之皇統初遷廣威將軍四年授同知通遠軍節度使事改  
知保安軍事天德三年為丹州刺史兼知軍事正隆初為  
寧州刺史大定初宋將吳玘等以軍數十萬人據秦隴元  
帥府承制以門都為勇烈軍都總管領軍討之宋人保據  
德順都監合喜遣武威軍副都總管夾谷查刺會宗室璋  
議征討之策璋與門都曰須都監親至敵必退矣合喜領  
軍四萬來赴遂復德順州明年秦隴平以功遷金吾衛上  
將軍授通遠軍節度使五年改慶陽尹兼本路兵馬都總  
管卒于官十九年錄功以子六哥世襲本路烏懶兀主猛  
安敵骨論窟申謀克授武功將軍門都性忠厚謹愨安置  
營壁尤能慎密有敵忽來雖矢石至前泰然自若迺號令  
士卒如平時由是人益安附而功易成焉

僕散渾坦蒲與路挾蕙人也身長七尺勇健有力善騎射  
年十六從其父胡沒速征伐初授脩武校尉為宗弼扎也  
天眷二年與宋岳飛相拒渾坦領六十騎深入覘伺至鄆  
陵敗宋護糧餉軍七百餘人多所俘獲皇統九年除慈州

刺史再遷利涉軍節度使授世龍濟州和朮海蠻猛安涉  
里幹設謀克貞元初以憂去官起復舊職歷泰寧永定軍  
改咸平尹海陵殺渾坦弟樞密使忽土召渾坦至南京既  
見沈思乂之謂之曰汝有功舊不因忽上得官以此致罪  
甚可矜憫遂釋之改興平軍節度使世宗即位以為廣寧  
尹窩幹反為行軍都統與曷懶路總管徒單克寧俱在左  
翼敗窩幹於長灤改臨潢尹賊平賜金帛改曷懶路兵馬  
都總管徙顯德軍慶陽尹致仕大定十二年上思舊功起  
為利涉軍節度使復以金紫光祿大夫致仕卒年七十二  
渾坦歷一十七官未嘗為佐貳性沈厚有識雖未嘗學問

明於聽斷所至有治聲云

鄭建充字仲實其先京兆人占籍鄜州仕宋累官知延安  
府事天會七年來降仍知延安府屯兵三千宋劉光烈兵  
八萬來攻建充相距四十餘日攻益急建充遣人會斜喝  
軍夾擊破之俘其裨將賀貴遷節制司統制軍馬改京兆  
府路兵馬都監敗宋曲端於彭原高昌宗據延安為宋守  
建充擊之盡復城邑復知延安軍府事齊國建累遷博州  
團練使知寧州齊國廢朝廷以地賜宋為宋環慶路經略  
安撫副使仍知寧州天眷復取陝西仍以為經略安撫使  
知慶州從破甘谷城改平涼尹是時營建南京宮室大發



河東陝西材木浮河而下經砥柱之險筏工多沉溺有司不敢以聞乃誣以逃亡錮其家建充白其事請至砥柱解筏順流散下令善游者下流接出之而錮者得釋正隆軍興括筋角造軍器百姓往往推牛取之或生拔取其角牛有泣下者建充白其事於朝建充性剛暴常畜獠犬十數奴僕有罪既笞已復嗾犬噬之骨肉都盡雖謙遜下士於敵已上一無所屈省部文移有不應法度輒置之坐下或即毀裂由是在位者銜之軍胥李換竊用公帑自度不得免乃誣建充藏甲欲反更再鞫皆無狀方奏上攝事者素與建充有隙恐其得釋使吏持文書給建充曰朝省有命

柰何建充曰惟汝所為是夜死于獄中長子勲亦死焉烏古論三合曷懶路愛也窟河人後徙真定睿宗為右副元帥聞三合勇略選充扎也後從宗弼征伐補麴院都監未幾從伐宋與宋兵遇於潁州三合先登破之皇統元年領漢軍千戶師府再以軍四千隸焉除同知鄭州防禦使事再遷太子少詹事大定六年改洺州防禦使上曰卿昔事睿宗積勞苦遠事朕輔佐太子宣力多矣今典名郡所以勞卿也遷永定軍節度使歷臨潢鳳翔尹陝西路統軍使東平尹節制州郡躬行儉約政先寬簡邊庭久寧人民獲安召為簽書樞密院事卒十八年世宗追錄三合舊勞

授其子大興河北西路愛也窟河世襲猛安阿里門河謀克階武功將軍

移刺溫本名阿撒遼橫帳人工契丹小字睿宗爲左副元帥伐宋溫從大臭渡江辟江寧府都巡檢江寧太平初下宋遣謀人扇構百姓應者數萬人溫擒其謀者遂不敢竊發宗弼嘉之賜銀千兩重綵百端絹二百匹宗弼每出征伐未嘗不在行間除同知河北西路轉運使事會宗弼巡邊溫從軍不之官宗弼入朝熙宗宴群臣宗弼欲有奏請已被酒失次溫掖而出官明日熙宗謂宗弼曰阿撒事叔甚謹不可去左右由是宗弼益親信之嘗謂女壻紇石烈

志寧曰汝可效阿撒之爲人也可以幾古人矣未幾除同知中京路都轉運使事累遷左諫議大夫兼修起居注正隆伐宋以本官爲濟州路行軍萬戶從至揚州軍還除同知宣徽院事世宗御饌不適口召溫嘗之奏曰味非不美也蓋南北邊事未息重慮有所在耳上意遂釋歷永定震武崇義節度使移臨海軍州治近水秋雨潦暴至城下城頗決百姓惶駭不知所爲溫躬督役夫繕完之雖臨不測無所避僚屬或止溫溫曰爲政疵癘水泛溢爲災守臣之罪當以此身爲百姓謝雖死不恨移鎮武定歲旱且蝗溫割指以血溼酒中禱而酹之旣而兩霑足有群鴉啄蝗

且盡由是歲熟人以為至誠之感云以老致仕卒

贊曰軍旅之事鋒鏑在前不計其死耳屬金鼓目屬旌旗  
心屬號令此行列之任也自收國用兵至于大定和宋以  
前用命之士雖細必錄所以明功也

蕭仲恭本名水里者祖蕤不也佳遠為樞密使守司徒封  
蘭陵郡王父特末為中書令守司空尚主仲恭性恭謹動  
有禮節能被甲超索馳遼故事宗威子弟別為一班號孩  
兒班仲恭嘗為班使歷宮使本班詳穩遼帝西奔天德仲  
恭為護衛太保兼領軍事至霍里底泊大軍奄至倉卒走  
仲恭母馬乏不能進謂仲恭兄弟曰汝等盡節國家無以

我為也仲恭母遼道宗季女也遼主傷之命弟仲宣留侍  
其母仲恭從而西時大雪寒甚遼主乏食仲恭進衣并進  
乾糲遼主困仲恭伏冰雪中遼主藉之以憇凡六日乃至  
天德始得食後與遼主俱獲太宗以仲恭忠於其主特加  
禮待天會四年仲恭使宋且還宋人意仲恭耶律余睹皆  
有亡國之憾而余睹為監軍有兵權可誘而用之乃以蠟  
丸書令仲恭致之余睹使為內應仲恭素忠信無反覆志  
但恐宋人留不遣遂陽許還見宗望即以蠟丸書獻之宗  
望察仲恭無他薄罰之於是再舉伐宋執二帝以歸累遷  
右宣徽使改都點檢宗磐與宗幹爭辯於熙宗前宗磐拔

乃向宗幹仲恭呵之乃止既而宗磐以反罪誅仲恭衛禁  
有備以功加銀青光祿大夫遷尚書右丞皇統初封蘭陵  
郡王授世襲猛安進拜平章政事同監修國史封濟王詔  
葬遼豫王於廣寧仲恭請往會葬熙宗義而許之改行臺  
左丞相居無何入為尚書右丞相拜太傅領三省事封曹  
王天德二年封越國王除燕京留守海陵親為書以玉山  
子賜之是歲薨年六十一謚貞簡王隆例降王爵改儀同  
三司鄭國公子拱

拱本名迪輦阿不初為蘭子山猛安海陵為宰相徵取人  
譽薦大臣子以為達官遂以拱為禮部侍郎耶律彌勒拱  
妻女弟也海陵將納為妃使拱自汴取之還過燕是時何  
恭為燕京留守見彌勒身形不類疑子竊憂之曰此多猜  
嫌拱其及禍矣拱去不數日仲恭卒拱至上京聞訃以本  
官起復佩信牌往燕京治葬事未行彌勒入宮果如仲恭  
所相度即遣出宮夜半召拱至禁中詰問無狀海陵終疑  
之乃罷拱禮部侍郎奪其信牌拱侍命踰年不報歸蘭子  
山治猛安事是時蕭恭張九坐語禁中事得罪拱至蘭子  
山與客會語及之有阿納與拱有隙乃誣拱言張九無罪  
被誅語涉怨謗海陵遣使鞫之戒傳者曰此子狂妄宜有  
此語不然彼中安得知此事使者不復問拱但撈掠其左

驗使如告語證之拱遂見殺

仲宣本名野里補仲恭母弟聰敏好學沉厚少言五歲選授郡刺史累加太子少師爲本班詳穩從天祚西爲護衛太保左右班詳穩至石輦鐸遼主留仲宣侍母遂與其母皆見獲太宗嘉之且謂仲宣能知遼國故事命權宣徵使從睿宗伐康王師還家居者久之皇統二年特授鎮國上將軍歷順義永定昭義武寧四鎮節度使爲政平易小吏不敢爲姦賄賂禁絕奴婢入郡人慕識其面朔路百姓皆爲立祠刻石頌之正隆二年卒六十四

高松本名檀朶澄州析木人年十九從軍爲蒲葦有力善

戰宗弼聞其名召置左右從破汴京及和尚原累官咸平總管府判官世宗即位充管押東京路勅海萬戶兵部尚書可喜謀反前同知延安尹奎老僧曰我與萬戶高松謀之必從我矣衆曰若得此軍舉事易矣老僧往見松說松曰君有功舊人至今不得大官何也松曰我一縣令也每念聖恩累世不能報尚敢有望乎老僧遂不敢言可喜布輝阿瑣知事不可成遂上變共捕幹論赴有司松從延窩幹以功遷咸平少尹四遷崇義軍節度使卒年七十四  
贊曰忠信行己豈不大哉蕭仲恭盡心故主而富貴福澤嚮之與宗室舊臣等矣仲恭廷叱宗磐而朝廷尊高松誼

暹李老僧而社稷安皆有古烈丈夫之風焉

海陵后徒單氏生太子光英元妃大氏生崇王元壽柔妃唐括氏生宿王矧思阿補才人南氏生勝王廣陽

光英本名阿魯補徒單后所生是時燕京轉運使趙龍慶多男故又名曰趙六養于同判太宗正方之家故崇德大夫沈璋妻張氏嘗爲光英保母於是贈璋銀青光祿大夫賜宗正方錢千萬天德四年二月立光英爲皇太子是月安置太祖畫像于武德殿盡召國初嘗從太祖破寧江州有功者得百七十六人並加宣武將軍賜酒帛其中有忽里罕者解其衣進光英曰臣今年百歲矣有子十人願太

子壽考多男子與小臣等海陵使光英受其衣海陵即以所服并佩刀賜忽里罕答其厚意後以英字與雁鳥字聲相近改雁鳥坊爲馴鷲坊國號有英國又有應國遂改英國爲壽國應國爲杞國宋亦改光州爲蔣州光山縣爲期思縣光化軍爲通仁軍云太醫院保全卽李中保和大夫薛遵義俱以醫藥侍光英李中起換宣武將軍太子左衛副率薛遵義丁憂起復宣武將軍太子右衛副率光英襁褓時養于宗正方家其後養于永寧宮及徒單斜也家貞元元年詔朝官京官五品以下奉引自通天門入居于東宮正隆元年三月二十七日光英生日宴百官于神龍殿賜

京師大醜一日四年八月光英射鵝獲之海陵大喜命薦原廟賜光英馬一匹黃金三斤班賜從者有差正隆六年海陵行幸南京次安肅州光英獲二兔遣使薦于山陵居數日復獲麀兔從官皆稱賀賜光英名馬弓矢復遣使薦于山陵六月海陵至南京羣臣迎謁海陵與徒單后光英共載而入海陵嘗言俟太子年十八以天下付之朕當日遊宴於宮掖苑囿中以自娛樂光英頗警悟海陵謂侍臣曰一智不學而能中性未有不由學而成者太子宜擇碩德宿學之士使輔導之庶知古今防過失詩文小技何必作耶至於騎射之事亦不可不習恐其懦弱也及將親征

后與光英挽衣號慟海陵亦泣下曰吾行歸矣後誦孝經一日忽謂人曰經言三千之罪莫大於不孝何為不孝對者曰今民家子博奕飲酒不養父母皆不孝也光英默然良久曰此豈足為不孝耶蓋指言海陵弑母事及伐宋光英居守以陞蒲訛里也為太子少師兼河南路統軍使以衛護之完顏元宜軍變海陵遇害都督府移文訛里也殺光英于汴京死時年十二後與海陵俱葬於大房山諸王墓次訛里也咸平路窟吐忽河人襲其父忽土猛安除邳州刺史三遷昌武軍節度使歸德尹南京留守河南路統軍使太子少師大定二年遷元帥右都監宋人陷陳蔡訛

里也師久無功已而兵敗于宋解職俄起爲京兆尹世宗謂之曰卿爲河南統軍門多私謁百姓惡之其後經略陳蔡不惟無功且復致敗以汝舊勞故復用汝京兆地近南邊宜善理之大定三年卒

元壽天德元年封崇王三年薨

矧思阿補正隆元年四月生小底東勝家保養之賜東勝錢千萬仍爲起第五月己酉彌月封其母唐括氏爲柔妃賜京師省者五千人錢人錢二百二年矧思阿補生日海陵與永壽太后及皇后太子光英幸東勝家三年正月五日矧思阿補薨海陵殺太醫副使謝友正醫者安宗義及其乳母扶東勝一百除名明日追封矧思阿補爲宿王葬大房山諫議大夫楊伯雄入直禁中因與同直者相語伯雄曰宿王之死蓋養于宫外供護雖謹不若父母膝下豈國家風俗素尚如此或以此言告海陵海陵大怒謂伯雄曰爾臣子也君父所爲豈得言風俗宮禁中事豈爾當言朕或體中不佳間不視朝祇是少得人幾拜耳而庶事皆奏決便殿縱有死刑不即論決蓋使囚者得緩其死至於除授宣勅雖復稽緩有何利害朕每當閒暇頗閱教坊聲樂聊以自娛書云內作色荒外作禽荒酣酒嗜音峻宇雕墻有一於此未或不亡此戒人君不恤國事溺於此者耳



如我雖使聲樂喧動天地宰相敢有濫與人官而吏敢有受賂者乎外間敢有竊議者乎爾諫官也有可言之事當公言之言而不從朕之非也而乃私議可乎伯雄對曰陛下至德明聖固無竊議者愚臣失言罪當萬死惟陛下哀憐海陵曰本欲授汝今祇杖汝二百既決杖至四十使近臣傳詔諭伯雄曰以爾藩邸有舊今特釋之

滕王廣陽母南氏本大臬家婢隨元妃大氏入宮海陵幸之及有娠即命爲殿直正隆二年九月二十六日生廣陽十月滿月海陵分施在京貧民凡用錢千貫三年二月封南氏爲才人七月封廣陽爲滕王九月薨

贊曰海陵伐宋光英居守使陞滿訛里也以官師兼統軍之任計至悉也豈料死其手乎苟首有言不以人子吾子其可得耶海陵覩人之子不翅魚肉而獨已子之謀安不可得矣

田

